

Հաստատված է  
«Այդի Բանկ» ՓԲԸ խորհրդի  
2024 թվականի դեկտեմբերի 21-ի նիստի  
թիվ 9 արձանագրության թիվ 6 որոշմամբ

### «ԱՅԴԻ ԲԱՆԿ» ՓԲԸ ԿՈՂՄԻՑ ԳՈՐԾԱՐՔՆԵՐԻ ԿՆՔՄԱՆ ԿԱՆՈՆՆԵՐ

|                               |                                                                                                                                                                                                                |
|-------------------------------|----------------------------------------------------------------------------------------------------------------------------------------------------------------------------------------------------------------|
| Պատասխանատու<br>ստորաբաժանում | Իրավաբանական վարչություն                                                                                                                                                                                       |
| Ուժի մեջ մտնելու ամսաթիվ      | 09.01.2025                                                                                                                                                                                                     |
| Տարածում                      | «Այդի Բանկ» ՓԲԸ բոլոր ստորաբաժանումներ                                                                                                                                                                         |
| Այլ դրույթներ                 | Սույն կանոններն ուժի մեջ մտնելու պահից ուժը կորցրած ճանաչել Բանկի խորհրդի 2023 թվականի հունիսի 16-ի նիստի թիվ 5 արձանագրության թիվ 11 որոշմամբ հաստատված «Այդի Բանկ» ՓԲԸ-ի կողմից գործարքների կնքման կանոնները |
| Առնչվող փաստաթղթեր            | «Այդի Բանկ» ՓԲԸ Կանոնադրություն                                                                                                                                                                                |

|                                                                                   |                                         |                 |             |        |
|-----------------------------------------------------------------------------------|-----------------------------------------|-----------------|-------------|--------|
|  | RG-0900-0500-05                         |                 |             | ՆԵՐՔԻՆ |
| «ԱՅՐԻ ԲԱՆԿ» ՓԲԸ ԿՈՐԾԱՐՔՆԵՐԻ ԿՆՔՄԱՆ ԿԱՆՈՆՆԵՐ                                       | Ուժի մեջ մտնելու ամսաթիվը<br>09.01.2025 | Խմբագրություն 5 | Էջ<br>2 / 9 |        |

1. Սույն կանոնները հաստատվում են՝ համաձայն «Այրի Բանկ» ՓԲԸ կանոնադրության 16.16 կետի «իա» ենթակետի, և կարգավորում են «Այրի Բանկ» ՓԲԸ-ի (այսուհետ՝ Բանկ) անունից կնքվող գործարքների կնքման գործընթացը, ինչպես նաև սահմանում են Բանկի կառավարման մարմինների կողմից գործարքների, այդ թվում՝ ակտիվների օտարման և ձեռք բերման, ինչպես նաև աշխատանքների և/կամ ծառայությունների ձեռք բերման, ծախս (պարտավորություն) առաջացնող գործարքների կնքման համար իրավասու մարմինների կողմից որոշումների ընդունման գործընթացը և սահմանաչափերը:

2. Սեփականության իրավունքով Բանկին պատկանող անշարժ գույքի օտարումը կամ դրա օտարմանը հանգեցնող գործարքները (գրավադրում, ձեռքբերման պայմանով վարձակալություն, տարաժամկետ վճարման պայմանով օտարում, առուվաճառքի նախնական պայմանագրի կնքում և այլն), բացառությամբ գրավի առարկայի բռնագանձման դեպքում որպես գրավառու գրավի առարկան ուղղակի վաճառքի կամ աճուրդի միջոցով իրացնելու գործարքների, իրականացվում են հետևյալ կանոնների պահպանմամբ.

1) 100,000,000 (մեկ հարյուր միլիոն) ՀՀ դրամը կամ դրան համարժեք արտարժույթը չգերազանցող շուկայական արժեք ունեցող անշարժ գույքի օտարումն իրականացվում է Բանկի վարչության նախագահի կողմից՝ նրա կողմից որոշված պայմաններով,

2) 100,000,000 (մեկ հարյուր միլիոն) ՀՀ դրամը կամ դրան համարժեք արտարժույթը գերազանցող, սակայն 250,000,000 (երկու հարյուր հիսուն միլիոն) ՀՀ դրամը կամ դրան համարժեք արտարժույթը չգերազանցող շուկայական արժեք ունեցող անշարժ գույքի օտարման դեպքում օտարման որոշումը (որում ներառվում են գործարքի էական պայմանները) կայացնում է Բանկի վարչությունը,

3) 250,000,000 (երկու հարյուր հիսուն միլիոն) ՀՀ դրամը կամ դրան համարժեք արտարժույթը գերազանցող շուկայական արժեք ունեցող անշարժ գույքի օտարման դեպքում օտարման որոշումը (որում ներառվում են գործարքի էական պայմանները) կայացնում է Բանկի խորհուրդը,

4) անկախ սույն կանոնների 2-րդ կետի 1-ին, 2-րդ և 3-րդ ենթակետերով նախատեսված սահմանաչափերի՝ յուրաքանչյուր դեպքում, երբ գույքի օտարման արդյունքում Բանկը կարող է կրել տվյալ գույքի հաշվեկշռային արժեքի 25 և ավել տոկոսի չափով վնաս, գույքը օտարելու մասին որոշումը (որում ներառվում են գործարքի էական պայմանները) կայացնում է Բանկի խորհուրդը բացառությամբ մինչև 100,000,000 ՀՀ դրամ



|                                                                                   |                                         |                 |             |        |
|-----------------------------------------------------------------------------------|-----------------------------------------|-----------------|-------------|--------|
|  | RG-0900-0500-05                         |                 |             | ՆԵՐՔԻՆ |
| «ԱՅՐԻ ԲԱՆԿ» ՓԲԸԿՈՂՄԻՑ ԳՈՐԾԱՐՔՆԵՐԻ ԿՆՔՄԱՆ ԿԱՆՈՆՆԵՐ                                 | Ուժի մեջ մտնելու ամսաթիվը<br>09.01.2025 | Խմբագրություն 5 | Էջ<br>3 / 9 |        |

հաշվեկշռային արժեքով գույքերի, որոնց մասով օտարելու որոշումը կայացնում է Բանկի վարչությունը:

Սույն կետի իմաստով վնաս է համարվում գույքի հաշվեկշռային արժեքի և գործարքի գնի բացասական տարբերությունը: Գործարքի կողմի պահանջով Բանկը պարտավոր է Գույքի հաշվեկշռային արժեքի մասին տեղեկանք տրամադրել:

3. Բանկի կողմից սեփականության իրավունքով անշարժ գույքի ձեռքբերումը կամ ձեռքբերմանը հանգեցնող գործարքները (ձեռքբերման պայմանով վարձակալություն, տարածամկետ վճարման պայմանով ձեռքբերում, առուվաճառքի նախնական պայմանագրի կնքում և այլն), բացառությամբ գույքը որպես գրավ ընդունելու գործարքների, իրականացվում են հետևյալ կանոնների պահպանմամբ.

1) 250,000,000 (երկու հարյուր հիսուն միլիոն) ՀՀ դրամը կամ դրան համարժեք արտարժույթը չգերազանցող շուկայական արժեք ունեցող անշարժ գույքի ձեռքբերման գործարքները կնքվում են Բանկի վարչության նախագահի կողմից՝ նրա կողմից որոշված պայմաններով,

2) 250,000,000 (երկու հարյուր հիսուն միլիոն) ՀՀ դրամը կամ դրան համարժեք արտարժույթը գերազանցող, սակայն 500,000,000 (հինգ հարյուր միլիոն) ՀՀ դրամը կամ դրան համարժեք արտարժույթը չգերազանցող շուկայական արժեք ունեցող անշարժ գույքի ձեռքբերման որոշումը (որում ներառվում են գործարքի էական պայմանները) կայացնում է Բանկի վարչությունը,

3) 500,000,000 (հինգ հարյուր միլիոն) ՀՀ դրամը կամ դրան համարժեք արտարժույթը գերազանցող շուկայական արժեք ունեցող անշարժ գույքի ձեռքբերման որոշումը (որում ներառվում են գործարքի էական պայմանները) կայացնում է Բանկի խորհուրդը:

4. Բանկի կողմից տրամադրված վարկերի օտարման (պահանջի իրավունքի զիջման) գործարքներն իրականացվում են հետևյալ կանոնների պահպանմամբ.

1) 250,000,000 (երկու հարյուր հիսուն միլիոն) ՀՀ դրամը կամ դրան համարժեք արտարժույթը չգերազանցող արժեք ունեցող գործարքներն իրականացվում են Բանկի վարչության որոշման հիման վրա, որով սահմանվում են նաև գործարքի էական պայմանները,



|                                                                                   |                                         |                 |             |        |
|-----------------------------------------------------------------------------------|-----------------------------------------|-----------------|-------------|--------|
|  | RG-0900-0500-05                         |                 |             | ՆԵՐՔԻՆ |
| «ԱՅՐԻ ԲԱՆԿ» ՓԲԸ ԿՈՐԾԱՐՔՆԵՐԻ ԿՆՔՄԱՆ ԿԱՆՈՆՆԵՐ                                       | Ուժի մեջ մտնելու ամսաթիվը<br>09.01.2025 | Խմբագրություն 5 | Էջ<br>4 / 9 |        |

2) 250,000,000 (երկու հարյուր հիսուն միլիոն) ՀՀ դրամը կամ դրան համարժեք որևէ արտարժույթը գերազանցող արժեք ունեցող գործարքներն իրականացվում են Բանկի խորհրդի որոշմամբ, որով սահմանվում են նաև գործարքի էական պայմանները:

5. Ածանցյալ ֆինանսական գործիքների կիրառմամբ բոլոր գործարքները, բացառությամբ երեք ամիս ժամկետը չգերազանցող արտարժույթային կամ տոկոսային սվոփերի և ֆորվարդային գործարքների, իրականացվում են Բանկի Վարչության որոշման հիման վրա, որով սահմանվում են այդ գործարքների էական պայմանները:

6. Արժեթղթերով կամ արժեթղթերի կիրառմամբ բոլոր գործարքները, բացառությամբ ռեպո և հակադարձ ռեպո գործարքների որոնց համար սահմանափակում չի սահմանվում և բացառությամբ Բանկի կողմից թողարկված արժեթղթերով, ՀՀ Կենտրոնական բանկի և ՀՀ ֆինանսների նախարարության թողարկված արժեթղթերով, ՀՀ և օտարերկրյա բանկերի կողմից թողարկված արժեթղթերով, ինչպես նաև /Ա-/ից բարձր վարկանիշ ունեցող պետությունների կողմից թողարկված արժեթղթերով, իրականացվում են հետևյալ սահմանաչափերի պահպանմամբ.

1) 250,000,000 (երկու հարյուր հիսուն միլիոն) ՀՀ դրամը կամ համարժեք արտարժույթը չգերազանցող արժեք ունեցող գործարքներն իրականացվում են Բանկի վարչության նախագահի կամ վերջինիս կարգադրությամբ որոշված այլ անձի կողմից՝ առանց լրացուցիչ համաձայնությունների ստացման,

2) 250,000,000 (երկու հարյուր հիսուն միլիոն) ՀՀ դրամը կամ համարժեք արտարժույթը գերազանցող արժեք ունեցող գործարքներն իրականացվում են Բանկի խորհրդի որոշման հիման վրա, որով սահմանվում են այդ գործարքների էական պայմանները:

7. ՀՀ կենտրոնական բանկի և ՀՀ ֆինանսների նախարարության թողարկված արժեթղթերով, ՀՀ և օտարերկրյա բանկերի կողմից թողարկված արժեթղթերով, ինչպես նաև /Ա-/ից բարձր վարկանիշ ունեցող պետությունների կողմից թողարկված արժեթղթերով կամ այդ արժեթղթերի կիրառմամբ բոլոր գործարքները իրականացվում են հետևյալ սահմանաչափերի պահպանմամբ.

1) մինչև 4 մլրդ. ՀՀ դրամ կամ համարժեք արտարժույթ մինչև 1 տարի ժամկետայնությամբ արժեթղթերով գործարքներն իրականացվում են Բանկի վարչության նախագահի վերջինիս կարգադրությամբ որոշված այլ անձի կողմից՝ առանց լրացուցիչ համաձայնությունների ստացման,



|                                                                                   |                                         |                 |             |        |
|-----------------------------------------------------------------------------------|-----------------------------------------|-----------------|-------------|--------|
|  | RG-0900-0500-05                         |                 |             | ՆԵՐՔԻՆ |
| «ԱՅՐԻ ԲԱՆԿ» ՓԲԸԿՈՂՄԻՑ ԳՈՐԾԱՐՔՆԵՐԻ ԿՆՔՄԱՆ ԿԱՆՈՆՆԵՐ                                 | Ուժի մեջ մտնելու ամսաթիվը<br>09.01.2025 | Խմբագրություն 5 | Էջ<br>5 / 9 |        |

2) սույն կետի 1-ին ենթակետով սահմանված սահմանաչափը գերազանցող կամ ավելի երկար ժամկետայնություն ունեցող արժեթղթերով գործարքները բայց ոչ ավել քան 6 մլրդ ՀՀ դրամ կամ համարժեք արտարժույթ իրականացվում են Ներդրումային (ակտիվների և պարտավորությունների) կոմիտեի որոշմամբ:

Սահմանված սահմանաչափերից գերազանցող արժեթղթերով գործարքները իրականացվում են Բանկի Խորհրդի որոշմամբ:

8. Բանկի կողմից ֆինանսավորման ներգրավման (վարկ, ավանդ և այլ պարտավորություն առաջացնող գործարք, այդ թվում հաշվին առկա դրական մնացորդ) բոլոր գործարքները կնքվում են, իսկ դրանց պայմանները հետագայում վերանայվում են (ռեստրուկտուրիզացիա) հետևյալ սահմանաչափերի պահպանմամբ.

1) 2,500,000,000 (երկու միլիարդ հինգ հարյուր միլիոն) ՀՀ դրամը կամ համարժեք արտարժույթը չգերազանցող արժեք ունեցող գործարքները և այն գործարքները որոնց ժամկետը չի գերազանցում երեք տարին իրականացվում են Բանկի վարչության Նախագահի կամ վերջինիս կարգադրությամբ որոշված այլ անձի կողմից՝ առանց լրացուցիչ համաձայնությունների ստացման,

2) 2,500,000,000 (երկու միլիարդ հինգ հարյուր միլիոն) ՀՀ դրամը կամ համարժեք արտարժույթը գերազանցող արժեք ունեցող գործարքները կամ այն գործարքները որոնց ժամկետը գերազանցում է երեք տարին իրականացվում են Ներդրումային (ակտիվների և պարտավորությունների) կոմիտեի որոշման հիման վրա, որը հաստատում է Նաև գործարքի էական պայմանները:

Սույն կետից բացառություն են կազմում.

- 1) սույն կարգի 5-րդ կետում նկարագրված գործարքները,
- 2) Բանկի վարչության որոշմամբ առանձին կոնտրագենտների կամ հաճախորդների համար սահմանված սահմանաչափերի շրջանակում կատարված գործարքները,
- 3) այլ անձանց՝ Բանկի հաշիվներում առկա հաշիվների մնացորդները, որոնց դիմաց Բանկը տոկոսագումարների վճարման պարտավորություն չունի:

9. Բանկի կողմից մտավոր սեփականության օբյեկտների կամ Բանկի նույնականացման միջոցների օտարման, օտարմանը հանգեցնող, դրանք երրորդ անձի կողմից օգտագործման կամ որևէ երրորդ անձի մոտ դրանց նկատմամբ որևէ



|                                                                                          |                                         |                 |             |        |
|------------------------------------------------------------------------------------------|-----------------------------------------|-----------------|-------------|--------|
|  IDBank | RG-0900-0500-05                         |                 |             | ՆԵՐՔԻՆ |
| «ԱՅՐԻ ԲԱՆԿ» ՓԲԸ ԿՈՐԾԱՐՔՆԵՐԻ ԿՆՔՄԱՆ ԿԱՆՈՆՆԵՐ                                              | Ուժի մեջ մտնելու ամսաթիվը<br>09.01.2025 | Խմբագրություն 5 | Էջ<br>6 / 9 |        |

իրավունքների հանգեցնող ցանկացած գործարք ենթակա է կնքման Բանկի խորհրդի որոշման հիման վրա:

10. Բանկի կողմից ակտիվների ձեռքբերման հետ չկապված գործարքները, այն է՝ աշխատանքների և/կամ ծառայությունների (ներառյալ խորհրդատվական ծառայությունների) ձեռք բերման գործարքները, իրականացվում են հետևյալ կարգով.

1) 150,000,000 (հարյուր հիսուն միլիոն) ՀՀ դրամը կամ դրան համարժեք արտարժույթը չգերազանցող գործարքներն իրականացվում են Բանկի վարչության նախագահի կողմից,

2) 150,000,000 (հարյուր հիսուն միլիոն) ՀՀ դրամը կամ դրան համարժեք արտարժույթը գերազանցող, սակայն 250,000,000 (երկու հարյուր հիսուն միլիոն) ՀՀ դրամը կամ դրան համարժեք արտարժույթը չգերազանցող գործարքներն իրականացվում են Բանկի վարչության որոշմամբ, որը հաստատում է նաև գործարքի էական պայմանները,

3) 250,000,000 (երկու հարյուր հիսուն միլիոն) ՀՀ դրամը կամ դրան համարժեք արտարժույթը գերազանցող գործարքներն իրականացվում են Բանկի խորհրդի որոշմամբ, որը հաստատում է նաև գործարքի էական պայմանները:

11. Բանկի կողմից կնքվող բոլոր գործարքները, որոնցով նախատեսված է կամ որոնք կարող ենք հանգեցնել Բանկի համար՝

1) 250,000,000 (երկու հարյուր հիսուն միլիոն) ՀՀ դրամը կամ դրան համարժեք արտարժույթը չգերազանցող գումարի չափով տուժանքի կամ այդ չափով որևէ այլ պատասխանատվության, կնքվում են Բանկի վարչության նախագահի կողմից,

2) 250,000,000 (երկու հարյուր հիսուն միլիոն) ՀՀ դրամը կամ դրան համարժեք արտարժույթը գերազանցող գումարի չափով տուժանքի կամ այդ չափով որևէ այլ պատասխանատվության, կնքվում են Բանկի խորհրդի որոշման հիման վրա, որով սահմանվում են նաև այդ գործարքի էական պայմանները:

12. Բանկի կողմից՝ բռնագանձման արդյունքում գրավադրված գույքի ձեռքբերման հետ կապված գործարքները՝ Բանկի Չաշխատող ակտիվների կոմիտեի հավանության դեպքում, իրականացվում են.

1) 250,000,000 (երկու հարյուր հիսուն միլիոն) ՀՀ դրամը կամ դրան համարժեք արտարժույթը չգերազանցող շուկայական արժեք ունեցող անշարժ գույքի ձեռքբերման



|                                                                                   |                                         |                 |             |        |
|-----------------------------------------------------------------------------------|-----------------------------------------|-----------------|-------------|--------|
|  | RG-0900-0500-05                         |                 |             | ՆԵՐՔԻՆ |
| «ԱՅՐԻ ԲԱՆԿ» ՓԲԸ ԿՈՐԾԱՐՔՆԵՐԻ ԿՆՔՄԱՆ ԿԱՆՈՆՆԵՐ                                       | Ուժի մեջ մտնելու ամսաթիվը<br>09.01.2025 | Խմբագրություն 5 | Էջ<br>7 / 9 |        |

գործարքները կնքվում են Բանկի վարչության Նախագահի կողմից՝ Նրա կողմից որոշված պայմաններով,

2) 250,000,000 (երկու հարյուր հիսուն միլիոն) ՀՀ դրամը կամ դրան համարժեք արտարժույթը գերազանցող, սակայն 500,000,000 (հինգ հարյուր միլիոն) ՀՀ դրամը կամ դրան համարժեք արտարժույթը չգերազանցող շուկայական արժեք ունեցող անշարժ գույքի ձեռքբերման որոշումը (որում ներառվում են գործարքի էական պայմանները) կայացնում է Բանկի վարչությունը,

3) 500,000,000 (հինգ հարյուր միլիոն) ՀՀ դրամը կամ դրան համարժեք արտարժույթը գերազանցող շուկայական արժեք ունեցող անշարժ գույքի ձեռքբերման գործարքների մասին որոշումը (որում ներառվում են գործարքի էական պայմանները) կայացնում է Բանկի խորհուրդը:

13. Բանկի սեփականությունը հանդիսացող և սույն Կանոնների այլ կետերում չնշված շարժական գույքի օտարումը կամ օտարում ենթադրող գործարքները (գրավադրում, ձեռքբերման պայմանով վարձակալություն, պահանջի զիջում և այլն), ինչպես նաև երկու կամ ավելի փոխկապակցված գործարքները կնքվում են.

1) 5,000,000 (հինգ միլիոն) ՀՀ դրամը կամ դրան համարժեք արտարժույթը չգերազանցող հաշվեկշռային արժեք ունեցող ակտիվների օտարման դեպքում Բանկի վարչության Նախագահի կողմից,

2) 5,000,000 (հինգ միլիոն) ՀՀ դրամը կամ դրան համարժեք արտարժույթը գերազանցող, սակայն 50,000,000 (հիսուն միլիոն) ՀՀ դրամը կամ դրան համարժեք արտարժույթը չգերազանցող հաշվեկշռային արժեք ունեցող ակտիվների օտարման դեպքում Բանկի վարչության որոշման հիման վրա, որում ներառվում են գործարքի էական պայմանները,

3) 50,000,000 (հիսուն միլիոն) ՀՀ դրամը կամ դրան համարժեք արտարժույթը գերազանցող հաշվեկշռային արժեք ունեցող հիմնական միջոցների օտարման դեպքում՝ Բանկի խորհրդի որոշման հիման վրա, որում ներառվում են նաև գործարքի էական պայմանները:

14. Բանկի կողմից վարկային գործարքները (Բանկի կողմից տրամադրված վարկեր, վարկային գծեր և օվերդրաֆտներ, վարկային քարտեր, բանկային երաշխիքներ, ֆակտորինգ, ֆինանսական վարձակալություն (լիզինգ), ակրեդիտիվ, ֆորֆեյթինգ,



|                                                                                   |                                         |                 |             |        |
|-----------------------------------------------------------------------------------|-----------------------------------------|-----------------|-------------|--------|
|  | RG-0900-0500-05                         |                 |             | ՆԵՐՔԻՆ |
| «ԱՅՐԻ ԲԱՆԿ» ՓԲԸ ԿՈՐԾԱՐՔՆԵՐԻ ԿՆՔՄԱՆ ԿԱՆՈՆՆԵՐ                                       | Ուժի մեջ մտնելու ամսաթիվը<br>09.01.2025 | Խմբագրություն 5 | Էջ<br>8 / 9 |        |

Նախագծային վարկեր և վարկային ռիսկ պարունակող այլ գործիքներ) իրականացվում են Բանկի Վարկային ռիսկի քաղաքականությամբ սահմանված սահմանաչափերի պահպանմամբ:

15. Սույն կանոններով նախատեսված սահմանափակումները տարածվում են նաև միատեսակ և/կամ փոխկապակցված գործարքների նկատմամբ, որոնք սույն կանոնների իմաստով համարվում են մեկ գործարք: Սույն կանոնների իմաստով միատեսակ և/կամ փոխկապակցված գործարքներ են համարվում եռամսյա ժամանակահատվածում երկու կամ ավելի նույն առարկայով գործարքները, որոնք կնքվում են նույն կոնտրագենտի կամ տվյալ կոնտրագենտի հետ փոխկապակցված անձի հետ («Բանկերի եվ բանկային գործունեության մասին» ՀՀ օրենքի 8-րդ հոդվածի 1-ին մաս):

16. Սույն կանոնները չեն տարածվում Բանկի կողմից՝ իր բնականոն գործունեության իրականացման ընթացքում սովորաբար կիրառվող պայմաններով (Բանկի կայքէջում հրապարակված պայմաններով) վարկերի տրամադրման՝ բացառությամբ սույն կանոններով նախատեսված վարկերի տրամադրման դեպքերի, ավանդների ներգրավման, արժեթղթերի տեղաբաշխման վրա, որոնք կարգավորվում են Բանկի համապատասխան ներքին իրավական այլ ակտերով:

17. Սույն կանոններով նախատեսված պայմաններին համապատասխանող գործարքները, որոնք կնքվել են սույն կանոնների խախտմամբ կարող են ՀՀ քաղաքացիական օրենսգրքի 315-րդ հոդվածի հիմքով՝ Բանկի հայցով, դատական կարգով անվավեր ճանաչվել:

18. Սույն կանոններով նախատեսված Բանկի խորհրդին վերապահված որոշումների կայացումն իրականացվում է առավելագույնը հինգ աշխատանքային օրվա ընթացքում՝ հետևյալ կարգով.

- 1) խորհրդի քարտուղարը համապատասխան շահագրգիռ ստորաբաժանումից ստանալով առաջարկվող գործարքի մասին տեղեկատվությունը, ուղարկում է այն խորհրդի անդամներին՝ վերջիններիս համաձայնությունը ստանալու նպատակով՝ նշելով դրանց ներկայացման վերջնաժամկետները,
- 2) խորհրդի անդամների կարծիքների ամփոփման հիման վրա՝ խորհուրդը կայացնում է հետևյալ որոշումներից մեկը.





|                                                                                          |                                         |                 |             |        |
|------------------------------------------------------------------------------------------|-----------------------------------------|-----------------|-------------|--------|
|  IDBank | RG-0900-0500-05                         |                 |             | ՆԵՐՔԻՆ |
| «ԱՅՐԻ ԲԱՆԿ» ՓԲԸ ԿՈՐԾԱՐՔՆԵՐԻ ԿՆՔՄԱՆ ԿԱՆՈՆՆԵՐ                                              | Ուժի մեջ մտնելու ամսաթիվը<br>09.01.2025 | Խմբագրություն 5 | Էջ<br>9 / 9 |        |

ա. գործարքի կնքումը, այդ թվում՝ դրա էական պայմանները հաստատելու վերաբերյալ (եթե առկա է Խորհրդի հինգ անդամներից առնվազն երեքի դրական դիրքորոշումը),

բ. գործարքի կնքումը չհաստատելու վերաբերյալ (եթե առկա է Խորհրդի հինգ անդամներից առնվազն երեքի բացասական դիրքորոշումը):

Ընդ որում, սույն կանոններով նախատեսված դեպքերում Խորհրդի որոշումները կայացվում են էլեկտրոնային տարբերակով՝ Խորհրդի անդամների կողմից էլեկտրոնային փոստի հաղորդակցության միջոցով, իսկ Խորհրդի քարտուղարի կողմից ապահովվում են Խորհրդի անդամների էլեկտրոնային նամակների (քվեարկության արդյունքների) պահպանումը:

19 Սույն կանոններով նախատեսված գործարքների մասին համապատասխան իրավասու մարմիններին տրամադրվող տեղեկատվության ամբողջականության և էական պայմանների լրիվության համար պատասխանատվություն է կրում համապատասխան շահագրգիռ ստորաբաժանման ղեկավարը:

